

Istigh i mo chroí ‘tá neart

Risteard Mac Dhaibhéid

Foireann

Daidí

Mamaí

Bríghid

Mary

Páiste 1

Páiste 2

Páiste 3

Oifigeach

Cúpla saighdiúir

Daidí

Is drocham é seo do mhuintir na háite agus do mo chlann féin. Tá muid uilig buartha ar fad faoi cad é atá romhainn. Tá an tiarna talún ag cuartú a chíosa le 3 mhí anuas ach níl sé agam agus ní bheidh. Ní thig liom féin nó le mo chlann bheith beo ar an talamh seo. Amharcaigí air! Tá sé go holc. Tá sé cnápanach cáidheach agus ní fhásann rud ar bith air. Tá a fhios ag na páistí go bhfuil rud éigin cearr. Caithfidh mé bheith láidir do mo chlann. Níl rud ar bith eile fágtha agam ach mo láidreacht.

Radharc 1

Beirt chailíní ag déanamh damhsa ar an ardán...nó cailín amháin ag déanamh damhsa ag impí ar an chailín eile damhsa léi. Náire ar an chailín sin.

Bríghid Goitse a Mhary agus déan damhsa liom!

Mary Ní dhéanfaidh! Imigh leat! (*ag gáire*)

Bríghid Dhéanfaidh Mícheál Ó Cnáimhsí damhsa liom! Goitse aníos anois a Mhicí boy agus déan damhsa liom!

ag damhsa léi féin thart fán chistin.

Ó a Mhicí tá tú ar dóigh ag damhsa. Ó a Bríghid tá tú féin níos fearr!
Go raibh maith agat a Mhicí.

Stopann sí den damhsa.

Oh is grá liom Mícheál Ó Cnáimhsí agus is grá le Mícheál Ó Cnáimhsí Bríghid Frances Nic Pháidín.

Mary Tá tusa glan ar mire a Bhríghid!

Mamaí ag teacht isteach, a lámha lán d'éadaí.

Mamaí Cad é atá ag dul ar aghaidh idir an bheirt agaibh?

Mary Tá Bríghid s'againn ar strae a Mhamaí. Tá sí sáite i ngrá le Mícheál Ó Cnáimhsí!

Mamaí Och chan go fóill a Bhríghid!

Buaileann sí í le píosa éadaigh.

Bríghid

Bí thusa ciúin a Mhary. Tá éad ort!

Lámh le lámh le mamaí.

Bríghid

An maith leat bheith ag déanamh obair an tí a mhamaí mar is fuath liomsa í!

Mamaí

Is grá liom é go mór...thíos ar mo dhá ghlúin ó mhaidin go hoíche...mo chosa, mo ghlúine is mo lámha cáidheach lofa...tá mé ar mhuin na muice!

Bríghid

Níl se chomh holc leis sin!

Mamaí

Is minic a bhím ag brionglóidí go bhfuil mé i mo chónaí i dteach mór galánta i Meiriceá agus gairdín tosaigh agus gairdín cúil ollmhór lán le bláthanna ildáite agus an ghrian ag scoilteadh na gcloch.

Siúlann mamaí a fhad leis an fhuinneog agus léine ina lámh, á filleadh ag an am chéanna.

Tagann beirt pháistí eile isteach ansin.

Páiste

a Mhamaí cad é atá againn fá choinne an dinnéir a mhamaí?

Mamaí

Sin deireadh leis an bhrionglóidí!

Páiste

mhóra

Tá an aimsir ag dul in olcas a mhamaí. Dá bhfeicfeá na scamail liatha amuigh ansin.

Mamaí

Tá se go holc go cinnte.

Páiste 1

Cá háit a bhfuil na gasraí a mhamaí?

Mamaí

Tá siad ar chúl an tí le daidí ag fáil móna.

Páiste 2 Tá siad ar shiúl tamall fada.

Páiste 1 Is dócha go bhfuil siad cailte.

Déanann siad uilig gáire.

Tagann na gasraí agus daidí isteach.

Páiste 1 Sa deireadh thiar thall!

Páiste 3 Tá an mhóin seo trom.

Páiste 1 Tá an mhóin seo trom. (*Go tairscineach.*)

Mamaí A Mhicí cad é atá muid a dhul a dhéanamh má bhíonn an tiarna talún ag cuartú a chíosa arís inniu?

Daidí Ní bheidh siad ar ais Mary. Tá me cinnte nach mbeidh.

Mamaí Dúirt tú sin an tseachtain seo caite agus tháinig siad an lá ina dhiaidh. Éist liom, tiocfaidh siad ar ais agus ciceálfar amach ar an tsráid muid. Cad é a dhéanfaidh muid ansin? Cad é a dhéanfaidh muid ansin?

Siúlann páistí 1 & 2 a fhad leis an fhuinneog.

Páiste 1 A Dhaidí, a dhaidí tá siad ar an bhealach! Cad é a dhéanfaidh muid?

Daidí Cá háit? Cá háit? Ní thig liom iad a fheiceáil.

Páiste 2 Ansin Daidí, ag barr an lána!

Daidí Suígí sibhse síos ar an urlár thall ansin. Anois gasta gasta! Ná bígí buartha. Beidh gach rud ceart go leor.

Mamaí Nár dhúirt mé leat go mbeidh siad ar ais. Cad é atá muid a dhul a

dhéanamh anois in ainm Dé!

Baineann Maggie a naprún di agus buaileann sé leis é.

Daidí Fág agam é a Mhaggie. Fág agam é!

Tagann Oifigeach isteach agus cúpla saighdiúir leis.

Oifigeach Níor íoc sibh cíós ar bith le trí mhí anuas. An bhfuil airgead ar bith agaibh anois?

Daidí Níl...níl ach beidh se agam amárach go cinnte.

Oifigeach Dúirt tú sin an tseachtain seo caite. Níl an tiarna talún sásta libh ar chor ar bith. Amach libh as an teach. Amach libh go díreach anois nó cuirfidh na saighdiúirí seo an teach trí thine.

Daidí Ach níl áit le dul againn.

Mamáí Le do thoil. Le do thoil. Ná ciceáil amach as an teach muid. Cad é faoi na páistí?

Oifigeach Éistigí liomsa anois. Tá an talamh ar a bhfuil an teach seo de dhíth ar an tiarna talún. Bhí neart ama agaibh teacht ar an chíos. Tá an locht oraibh féin.

Daidí Tá an locht orainn! Thóg mise an teach seo le mo dhá láimh féin. Amharc orthu! Mé fein a thóg é cloch ar chloch gan chuidiú ó dhuine ar bith agus is cinnte gan pioc cuidithe ón tiarna talún.
Ba chóir go mbeadh náire an domhain ort, ag teacht isteach anseo chuig mo theach féin os comhair mo chlainne...ag déanamh obair shalach na saighdiúirí sin.

Oifigeach Níl me ach ag déanamh an phoist s'agam.

Mamaí Post? Post? Ní thabharfainn ‘post’ ar an rud a dhéanann tusa. Is búistéir thú!

Páiste 1 Mamaí cad é atá ag dul ar aghaidh?

Páiste 2 Tá siad fá choinne muid a chiceáil amach as an teach.

Páiste 3 Imigh leat as an teach seo anois!

Oifigeach Ní bhaineann sé leatsa!

Paiste 3 Baineann sé linn go cinnte!! Tá tú dár gciceáil amach as an teach s’againn féin.

Daidí Ciúnas anois a pháistí!

Faigheann Daidí greim sciatháin ar an fhear agus glacann sé an t-oifigeach go tosach an ardáin.

Daidí Le do thoil...ná déan seo os comhair mo chlainne...chan anocht le do thoil. Nach dtiocfadh leat seachtain a thabhairt dom...níos lú ná seachtain fiú...cúpla lá is beidh an cíós ar fad agam. Ta mé cinnte go mbeidh.

Oifigeach Beidh an cíós ar fad agat? Cén dóigh a mbeidh an cíós ar fad agat i gcionn cúpla lá nuair nach raibh sé agat le trí mhí?

Daidí Tá mé ag fanacht ar mo dheartháir Pat teacht abhaile ó Mheiriceá am ar bith an tseachtain seo agus dornán mór airgid leis. Tá post mór aige i Meiriceá. Tá aithne agat air. Tá sé ag obair le do dheartháir féin thall.

Oifigeach Tá a fhios agat nach mbeidh do dheartháir Pat nó deartháir ar bith eile de do chuid ag teacht le dornán mór airgid duit. Stad de bheith ag cur mo chuid ama amú.

Mamaí Nach dtiocfadh leat lá eile a thabhairt dom le do thoil?

Oifigeach Tá go dtí an t-am a luíonn an ghrian tráthnóna agaibh an teach a fhágáil
nó cuirfear trí thine é.

Daidí Lá eile, le do thoil!!!

Ceol *Istigh i mo chroí ta neart*
Pilleann na saighdiúirí agus cuirtear an teach trí thine.

*Tagann damhsóirí isteach ansin agus amhránaí ag ceol, ‘ Níl ann ach ár n-
aibhneachaa atá saor.’*
